



www.BibleForChildren.org




San Juan 14



Auqui nantito Jesús ümo namanaiña: —iTapü
aupirruca! Amonsotü nurria ümoti Tuparrü.
Amonsotito iñemo. Au napese auna cauta nacarrti
Tuparrü abe sürümana aupobo. Sane nauquiche
yecatü isusürü icoñoco aucümenu.




Arrtü nampü chüsanempü, coboipü suraboi ausucarü
que champü isanempü aume ta au napese. Arrtü
tücoño sobi, iseca tato abapa, itopiqui irranca nauqui
abaca ichepeñü au napese.



Arrüñü Juan, isaruqui año y autaqisürüsapa icu
na cürrü auqui naca nüriacarrti Jesús oemo.
Ñasamuca tairri, tacane ito arraño, ui

nubarrüperaca cümenuti
Jesús. Tütane

nüriacarrti
oemo.




Arrüñü yaca au preso au manu cürrü cümüinta
turrü, nürirri Patmos, itopiqui anancañü surapoi
nurarrti Tuparrü, arrüna tütusio nurria


oemo caüma uiti
Jesucristo.



Au manu rratorrü campiabo naca niyasata uiti
Espíritu Santo. Yasacatü caüma ümo taman tronorrü
ane au napese, y ümotito maniqui tümonso ahu, abu
arrti Bae Tuparrü.




Auqui ñoncoito nitosibi nanaiña bama aboma au
napese, y bama aboma icu cürürü, y bama aboma
iquiana cürürü, y arrüba abe au
narubaitu turrü, nanaiña arrüba
urriante uiti Tuparrü. Namatü
sane: Champü tacanache nacarrti.
Tarucu nüriacarrtiy nanentacarrti.
Sane nauquiche
manauna ümoti
maniquitümonso
au tronorrü, y
ümo manu
Nobirrama.




Yasacatito ümo arrümanu pueblurrü samamecana,
arrüna nuevurrü Jerusalén cuatü auqui napese
esaquiti Tuparrü. Bien coñocono tacana arrone
cupiquirri rranrrü apo. Ñoncoito fuerte manitacarrü
auqui napese, nantü sane: —Tarinan, tütane caüma
niporrti


Tuparrü eana
macrirrtianuca,
bavivicoti
arrüpecuma.
Tonema caüma
nesarrti genterrü.
Arrti Bae Tuparrü
anati caüma aübuma.



Auqui itusiancatatito isucarüñü maniqui ángel taman
sapoco cücheseña tuma ahu, arrüna bachebo
süboriquirri. Osüro esaqui manu nesarrti tronorrü
Tuparrü y arrümanu Nobirrama.



Champü nümoche surrü ni pamapü nauqui acua au
manu pueblurrü, itopiqui ane acamanu nanentacarrti
Tuparrü y Nobirrama.



Nuncapü ane nomünantü
acamanu. Chentrabopüma
bama isamutema arrüba
chomirriampü ümoti
Tuparrü, ni arrübamapü
mañapanca. Süromampo
arrübamantai ane
nürirrimia icu manu
librurrü ane ui
Nobirrama, arrümanu
icuche naca nüri bama
champü nitacüru
nisüboriquirrimia.




Uiti caüma tochenco
nareorrüma, isübutati
nisucürrüma, champütiqui coiño,
ni asuchepümainqui, ni aninquipü
norrocorrü, itopiqui tüpasao
arrümanu tücañe.




Acamanu champütiqui naqui paurramana. Nesarri
tronorrü Tuparrü y Nobirrama ane acamanu y
arrübama imostorrti baserebioma ümoti. Acamanu
arrtaimia nurria nisurrti y ane nürirrti corobo
icutama.



Yasacatito ümo bama tücoiño, bama tarucu
nicuarrüma tücañe icu cürrü y arrübama
chütonempatai. Atürayoma esati Tuparrü. Auqui
ubaurübo libruca y aurübo ito manu quiatarrü
librurrü auna cauta abe bocorobo nüri
bama champü nitacüru
nisüboriquirrimia.



Arrti Tuparrü caüma bacurrtarati aübu bama
macoiñoca isiu arrüna ane corobo iyucu manio libruca,
o sea arrüna nisamutema tücañe. Y nanaiña bama
champü nürirrimia icu manu librurrü nesa
süboriquirri penecoma au manu
narubaitu turrü pese
nacarrü (infierno),
arrüna uiche
coiñoma tatito.



Arrti Espíritu Santo ichepe nicüpostoti Jesús,
arrübama icocoromati, namatü: —Ariacu. Arrti naqui
oncoiti nurarrti Tuparrü, tari nantito sane: —Ariacu.
Y arrti naqui tosüco, tari yebati, arrtü rranrrti, tari
chabati manu turrü bachebo süboriquirri,
macuman
atarrtai
ümoti.



Tarucu nucua ümoti Tuparrü. Sane
nauquiche icüpurutiti naqui tamantai
Aütorrti. Namanaiña bama
icocoromati chensoropü
nausüpürrüma, y chütacürusupü
nisüboriquirrimia.



Romanos 3:23 Namanaiña macrirrtianuca icu na cürrü
ane nipünatema. Sane nauquiche champüti naqui urria
nacarrti au narrtarrti Tuparrü tacana numo maübo
asamuti genterrü isiu tacana nacarrti.

Romanos 6:23 Arrtü uisamute nomünantü, cuatü
bapacatarrü oemo, ta concorrü y carrticurrü. Pero
arrüna ñacumanatarrti Tuparrü oemo, ta nosüboriqui
ümo para siemprerrü au napese itopiquiti Jesucristo
naqui Señor.

Hebreos 9:27 Tacane ito arrübama macrirrtianuca
tamantai niconcorrüma y auqui caüma bacurrtarati
Tuparrü aübuma.



Efesios 2:8,9 Autaesübuca eanaqui nomünantü itopiqui pucürusuti Tuparrü autacu, y itopiqui amoncatü ümoti Cristo. Champürrtü aboiapatoe apisamute arrüna sane, ta ñacumanatarrti Tuparrü aume. Sane nauqui tapü anati naqui vanurrti isucarüti Tuparrü aübu arrüna isamutentti.

Romanos 10:9,10 Nauqui autaesübu eanaqui nomünantü, tiene que aburaboi sane: "Arrti Jesús tonenti Señor". Y tiene que aicoco aübu nanaiña nausasü que arrti süboricoti tato eanaqui macoiñoca. Sane nauquiche arrtü oñoncatü ümoti Tuparrü aübu nanaiña nuyausasü, yasuriuruti oñü, y arrtü usurapoito isucarü macrirrtianuca nürirrti Cristo, utaesübuca eanaqui nomünantü.



San Juan 3:16,17 'Tarucu nucua ümoti Tuparrü. Sane nauquiche icüpurutiti naqui tamantai Aütorrti. Namanaiña bama icocoromati chensoropü nausüpürrüma, y chütacürusupü nisüboriquirrimia. Itopiqui arrti Tuparrü champürrtü icüpurutiñü nauqui yache carrticurrü ümo macrirrtianuca icu cürrü, ta nauqui ataesübuma sobi eanaqui nomünantü.

1 Juan 5:11-13 Tone arrümanu nurarrti: Arrti Tuparrü tübacheboti osüboriquibo, arrüna chütacürusupü. Torrio oemo mecuquiti naqui Aütorrti. Arrti naqui anati Aütorrti Tuparrü au nausasürrti, ane isüboriquiboti. Tapüti naqui champüti Aütorrti Tuparrü au nausasürrti, champü isüboriquiboti. Rraconomoca aume arrüna sane, nauqui atusi aume, ta tütorrio ausüboriquibo, arrüna chütacürusupü. Itopiqui arraño chauqui tapicococati naqui Aütorrti Tuparrü.



San Juan 14; 2 Corintios 5;
Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Chiquitano Bible (cax) © 2012, Wycliffe Bible
Translators, Inc. All rights reserved.

<https://live.bible.is/bible/CAXSBB/MAT/1>

©2026 Bible for Children, Inc.

www.M1914.org

www.bibleforchildren.org

